

# CONFESSIONIS

## AMBROSIANÆ

### LIBER TERTIVS,

#### CAPITA VNDECIM

COMPREHENDENS.

### CAPVT PRIMVM

#### De Sacramentis generatim.

- I. *Sacramenta non esse tantum externas notas Christianæ professionis, sed signa visibilia inuisibilis gratiæ, quæ per eadem sacramenta confertur.*

*Qui à Sacramentis cælestibus abstinent sub pretextu pœnitentiæ, se ipsos fraudat cælesti gratiâ.*



*In sacramento baptismatis aliud est quod visibiliter agitur, aliud quod inuisibiliter confertur.*

VNT etiam qui arbitrentur hoc esse pœnitentiã, si abstineant à sacramentis cælestibus. Hi scilicet in se iudices sunt, qui pœnam præscribunt sibi, declinant remedium, quos vel pœnam suam conueniebat dolere, quia cælesti fraudarentur gratiâ. *Tom. 1. lib. 2. de Pœnitent. Cap. 9.*

Vnde vigilanter nobis considerandum est, in ipso regenerationis munere quid geratur. Quãuis enim ad vnum omnes concurrant eiusdem mysterij portiones, aliud tamen est, quod visibiliter agitur, aliud quod inuisibiliter celebratur. Nec idem est in sacramento forma quod virtus, cùm forma cum humani ministerij adhibeatur obsequio, virtus autem per diuini operis præstetur effectum. Ad cuius vtrique potentiam referendum est, quòd dum homo exterior abluitur, mutatur interior, & fit noua creatura de veteri, vase iræ in vas misericordiæ transferuntur, & in corpus Christi conuertitur caro peccati. *Tom. 3. lib. Epist. 10. Epist. 84.*

Deinde

Deinde accessisti propius, vidisti fontem, vidisti & Sacerdotem supra fontem. Nec hoc possum dubitare, quod in animum vestrum non potuerit cadere, quod cecidit in illum Syrum Naaman: quia etsi mundatus est, tamen ante dubitavit. Quare dicam, accipe. Ingressus es, vidisti aquam, vidisti Sacerdotem, vidisti Leuitam. Ne forte aliquis dixerit, hoc est totum: imo est totum, vere totum, ubi tota innocentia, tota pietas, tota gratia, tota sanctificatio. Vidisti quæ videre potuisti oculis corporis & humanis conspectibus, non vidisti illa quæ operantur & non videntur. Illa multo maiora sunt quæ non videntur, quam quæ videntur: quoniam quæ videntur, temporalia sunt, quæ non videntur, æterna. *Tom. 4. lib. 1. de Sacrament. Cap. 3.*

*Alia est forma sacramentorum exteriorum, alia virtus & gratia quæ conferuntur per ea.*

II. Sacramenta noua legis à Christo Domino esse instituta, & excellentiora esse Sacramentis veteris legis.

**E**Rgo auctor sacramentorum quis est, nisi Dominus Iesus? De cælo ista sacramenta venerunt. *Tom. 4. lib. 4. de Sacramentis, Cap. 4.*

Miramur mysteria Iudæorum quæ patribus nostris data sunt, primum vetustatem sacramentorum, deinde sanctitatem præstantium. Illud prætermitto, quod diuiniora & priora sunt sacramenta Christianorum, quam Iudæorum. Quid præcipuū, quam quod per mare trāsijt Iudæorum populus? Vt de baptismo interim loquamur. At tamen qui transierunt Iudæi, mortui sunt omnes in deserto. Ceterum qui per hunc fontem transit, transit à terrenis ad cælestia, hoc est enim pascha, id est, transitus eius, transitus à peccato ad vitam, à culpa ad gratiam, ab inquinamento ad sanctificationem. Qui per hunc fontem transit, non moritur, sed resurgit. *Tom. 4. lib. 1. de Sacramentis, Cap. 4.*

*Dominus Iesus auctor est sacramentorum. Diuiniora & antiquiora sunt sacramenta Christianorum quam Iudæorum. Collatio baptismatis & transitus Iudæorum per mare rubrum.*



III. In administratione sacramentorum non  
merita personarum, sed officia  
consideranda.

*Minister Eccle-  
sia qui bapti-  
zat non mun-  
dat hominem  
à peccatis sed  
Dei virtus que  
per sacramen-  
ta operatur.*  
\* 1oel. 2.  
\* Matth. 3.

**N**on mundauit Damasus, non mundauit Petrus, non mundauit Ambrosius, non mundauit Gregorius. Nostra enim seruitura, sed tua sunt sacramenta. Neque enim humanæ opis est diuina conferre, sed tuum Domine munus & Patris est, qui locutus es per prophetas dicens: \* Effundam de spiritu meo super omnem carnem, & prophetabunt filij & filię eorum. Tom. 2 in prologo lib. 1. de Spiritu sancto.

Est ne adnuc quod dubitare debeas, cum euidenter tibi clamet in Euangelio Pater, qui ait: \* Hic est Filius meus in quo complacui? Clamet Filius, super quem sicut columba se demonstrauit Spiritus sanctus. Clamet & Spiritus sanctus, qui sicut columba descendit. Clamet Dauid: \* Vox Domini super aquas, Deus maiestatis intonuit, Dominus super aquas multas. Cum tibi Scriptura teste tur, quod ad Hieroboam preces ignis descenderit de cælo. Et rursus precante Helia ignis est missus qui sacrificium confecerat. Non merita personarum consideres, sed officia Sacerdotum. Et si merita spectas, sicut Heliam consideres, Petri quoque merita spectato vel Paulli, qui acceptum à Domino Iesu hoc nobis mysterium tradiderant. Tom. 4. lib. de ijs, qui mysterijs initiantur, Cap. 5.

*3. Reg. 3.  
In administra-  
tione sacramen-  
torum non me-  
rita persona-  
rum conside-  
randa sunt, sed  
officia.*

## CAPVT SECVNDVM

## De Sacramento Baptismi.

I. Baptisumum vere & proprie sacramen-  
tum esse nouæ legis.

**D**enique quod consumtum est sacrificiū Moy-  
si tempore, sacrificium pro peccato erat. Vin-  
de Moyses ait, \* sicut in Machabæorum scri-  
ptum est libro, eo quod non sit manducatum quod  
erat

\* 2. Mach. 2.